

СООБЩЕНЕ

ПРИГВАРКА ЛІСТИНИ „ВЕДНО ЗА ВОЙВОДИНУ – ОЛЕНА ПАПУГА” О ЗАПИСНІКУ ВИБЕРАНКОВЕЙ КОМИСИЇ НА ВИБЕРАНКОВИМ МЕСЦЕ 4. ДЮРДЬОВ НА ВИБЕРАНКОХ ЗА НАЦИОНАЛНИ СОВИТ РУСКЕЙ НАЦИОНАЛНЕЙ МЕНШИНИ

Подношитель пригварки „Ведно за Войводину” у законским чаше поднесол Пригварку на Звит о вкупних резултатох виберанкох за членох Национального совиту рускей националней меншини хтори поднесла Републична виберанкова комиссия, а хтори обявени у Службеним глашніку 17. новембра 2022. року. Пригварка поднєшена пре неправилно утвєрздени вкупни резултат виберанкох на виберанковим месце 4. у Дюрдьове у ОШ „Йован Йованович Змай”, Општина Жабель. Члени виберанкового одбору на тим месце написали неправдиви податки до записніку и на тот способ фалсификовали резултати гласаня.

Дня, 16. новембра 2022. року ношитель лістини „Ведно за Войводину”, Олена Папуга у Републичней виберанковей комисии опатрела виберанкови материял зоз виберанкох на виберанковим месце 4. у Дюрдьове у ОШ „Йован Йованович Змай”, Општина Жабель и на тот способ утвєрздєла же коло 57 гласацки лістки, дзе видно же заокружене число 2. хторе мала лістина „Ведно за Войводину” поніщени зоз шмарганьом и на рижни други способи. У звиту виберанковей комисии написане же тота лістина ма нула гласи. Тиж на тим виберанковим месце було нула и нєважаци гласи, та ше поставя питанє же дзе учишлени нєважаци гласи тей лістини. Подношитель лістини „Ведно за Войводину” Олена Папуга визначує же животно и логично нєможлїве же би тота лістина у Дюрдьове достала нула гласи понеже на тим виберанковим месце кандидати з лістини, та и вони маю родзини, приятельох, а мали и кандидата на лістини з того места хтори твєрдза же гласали за лістину. Додаткову подозривосц и таке заключенє дава и факт же 16. новембра 2022. року кед опатрани виберанкови материял утвєрздени коло 57 гласацки лістки дзе ясно видно же заокружене число 2. и же два-три особи поніщовали лістки.

Тото цо дефинитивно уплївовало же би подношитель лістини поднесол пригварку то факт же по обявеним записніку о работи виберанкового одбору на виберанковим месце 4. у Дюрдьове у ОШ „Йован Йованович Змай”, Општина Жабель окрем того же тота лістина мала нула гласи, то и факт же єст и нула нєважаци гласи, хтори мали и лістини

4. и 5. Але тим тотa неправда не завадзала, та не поднесли пригварки, понеже уж маю догварки о коалицийох у националним совиту.

Шицко тото гутори же виберанки за Национални совет Руснацох фалсификовани.

Политична странка „Ведно за Войводину” против членох виберанкового одбору на виберанковим месце 4. у Дюрдьове у ОШ „Йован Йованович Змай”, Општина Жабель поднесе виновну прияву компетентному явному тужительству прето же зоз своїм ділом фалсификовали резултат виберанкох и очкодовали лістину число 2.

„Ведно за Войводину”, Руски Керестур